

八瓊室金石補正

八瓊室金石補正卷六十六

太倉陸增祥撰

男 繼輝校錄

吳興劉承幹覆校

唐 三十八

爛柯山石橋詩刻

存二石一存前十六行一存後十三行行存字不一  
字徑六分正書篆額題刺史韋公鐫外祖信安郡王  
詩之記十四字  
後三字微缺

五言 登石橋尋王質觀基所 衢州刺史

開江王鉉

別有經行所迥跨重巒

側粵因求瘼餘條擬修想尋真



慮原夫造物者將有

意乎於其間不然何詭異之至是

昔代有樵人王質於石橋下

逢二仙弈碁偶閱終局柯

爛而返已

時移百年斯實神性惚恍何可詳究暨有梁

開國崇尙元口乃立

爲梵剎以旌厥異自是之後代爲

佳境塵世之士得遊造焉

聖唐開元中天枝信安

郡王再臨

斯郡王

太宗皇帝子

吳王之

次子自

天分胄惟嶽祚靈蘊禮樂於生知以載難爲已

任十季今聞塞馬不嘶羽儀南宮

位

副端揆其始至也

以初封江王發軔於此其再臨也以勲列崇異改

封信

安遭姦臣貝錦出

就歸藩

之義前於此也萎茲清幽

親

將藻思雅什在壁八音逮鎗後於斯也根

其靈蹤將示

撫實乃勤木爲局雕木爲仙對弈森然若峙眞

侶可謂

開張道樞發明蒙晦者矣

王之

次三子梁國公峴融

液元化弼諧

義軒功成身退復臨斯郡

今州牧

韋

公光輔即

王之外孫又

今符竹似續

嘉

績紹

王繼

公甘棠未凋膏雨相接卓絕當

世焜煌

高門簪瓊

舉爲清論簡策編爲典故

公

次兄光憲貞元二春拜

連山牧將欲之郡迂道以

會于信安交隼旗於虎符之

前連鴈行於熊軾之

上寒景初霽棣華獨春人或榮

鮮若斯之備矣懿

茲靈府齋虛同遊山荅鳴騶雲隨露

冤逼披囊

迹備閱真趣想

微容之如在槍年代之□

移王

先題詩在橋上危樓之東壁風雨所交魯魚將

誤

恐或墮落堙沉德馨

公乃勒於貞石以傳不朽惟

英王播芳於昔惟

哲孫繼躋於今

輝光蟬連

前後相燭不發揚於頌述何彰示將來以

子章前大理

評事嚴綬曾恭文進載筆從賞

乃命爲記以旌盛烈

大唐貞元三年丁卯歲正月景戌朔九日甲午朝

散大夫使持節

衢州諸軍事守衢州刺史

賜紫金

魚袋韋光輔建石橋寺主新

附

祝紳等闕茶題名

存三行行四字字徑一寸二分正書穿左五行已佚

祝紳林英劉葵錢顥梁俠鄭庭

堅熙甯辛亥會宿闕茶

于是孟春九日

右詩刻碑在衢州西安縣南三十里石高四尺廣一尺九寸正書二十三行行三十九字上有一穿唐刻絕少左下蝕一角亡去五十餘字額上有宋人闕茶題名八行分列左右此信安王禪仙迹詩外孫韋光輔刻之光輔壻嚴綬記之也朱竹垞謂新唐書表太宗第一子吳王恪恪弟三子琨琨子禪舊唐書禪少繼江王踰後封爲嗣江王改封信安郡王景雲開元中兩爲衢州刺史詩題嗣江王當是景雲間初爲刺

史作也予按新唐書表恪第三子琨琨子禕今碑云  
信安郡王太宗皇帝子吳王之次子世次少一代文  
述於當時且出懿親似不當誤又言王之次三子峴  
復臨斯郡光輔之兄光憲迂道來會似皆撫實可信  
也碑書嗣爲嗣靈爲靈又爲靈偃爲偃剝爲剝美爲  
美騶爲騶朽爲朽梁爲梁堦爲堦行筆絕似虞永興  
廟堂碑惜石已不存今就趙氏舊藏本錄之竹垞所  
見又有元和刺史陸庶游石橋記又有劉迴李幼卿  
李深謝劇羊滔薛戎六唐人詩刊成二碑留石橋寺  
嘉靖中尙存趙鏜脩府志具錄之今皆不可見矣

兩浙



金石志

右碑殘損大半僅存兩段下截均佚光緒乙亥唐

藝農

樹森

權金衢嚴象遺書索搨即以寄貽地經

兵燹毀圯未修所得止此也阮氏謂石已不存殆  
當時碑已斷折未搜及殘石邪碑文缺處據兩浙  
金石志補之按新唐書宗室世系表吳王次子朗  
陵王瑋三子贈吳王琨琨子信安王禕碑云太宗  
皇帝子吳王之次子豈以瑋禕音同形近而誤邪  
碑又云王之次三子梁國公峴與表相符而李峴  
本傳云吳王恪孫又與碑文相合殊不可解傳言

峴罷相出爲蜀州刺史至代宗時始以檢校兵部  
尙書兼衢州刺史碑云功成身退復臨斯郡正是  
罷相之時疑蜀州爲衢州之誤韋光輔字光輔見  
宰相世系表鄖公房昭訓之第五子巨源之從曾  
孫也其弟光憲官至太子少詹事據碑爲光輔次  
兄當是表誤

劉元佐殘石

高存九寸許廣存六寸上銳梯長存四行  
共十一字字徑一寸三四分正書在四川

豐碑有

□劉公元佐

指風從

國盡

劉元佐新舊唐書俱有傳德宗時汴宋節度使貞元三年三月薨於位碑當立於是時也

錢儀吉跋

劉公本名洽爲汴宋節度使時德宗賜名元佐碑當以貞元三年立距今癸卯殘石出土千有五十六年矣史致康識

淮南節度討擊副使田僖墓誌

方一尺五寸四周有花紋廿三行行字不一字徑五分餘行書蓋題田府君墓誌銘六字字徑二寸正書在江都梅氏

唐故淮南節度討擊副使光祿大夫試殿中監兼泗州  
長史上柱國北平縣開國伯田府君墓誌銘

并序

左衛率府騎曹參軍兼封文撰

右金吾兵曹參軍儲彥琛書

公諱旻京兆府涇陽人也鍾鼎之族被于前史高祖宏  
皇光祿大夫靈巽等州刺史祖崇朝散大夫恒王府司  
馬父仁俊朝議大夫朔州刺史並公望驟歸德映臺閣  
氷臺表節水鏡居心公惟岳降神妙季獨秀才高捧日  
詞美朝天懷百勝之謀有七擒之略故淮南節度使工  
部尚書潁川陳公特達見許殊禮相遇屈公入幕補節

度討擊副使累奏光祿大夫試殿中監兼泗州長史上  
柱國北平縣開國伯且楚有子玉文公爲之側席漢有  
汲黯當朝爲之心色若非功高衛霍名□闕張孰能有  
此榮貴方將佳讚台階剋隆元老何期智士石折賢人  
星殞積善無徵奄然辭位貞元三季七月七日告終于  
江都縣贊賢坊之私弟春秋五十有一未得歸其枋榆  
且欲卜其宅地即以其季八月四日歸葬于江都縣山  
光寺南原之塋禮也公孝德純深風表牆仞舒卷風雪  
之際從容淮海之間挺生不群保此全德一朝休息平  
生已矣豪梁之上無復魚臺仲蔚之園空餘榛棘嗚呼

哀哉乃爲銘曰

森然秀氣鬱尔嘉猷鬱弧月精長劍星流肅々轅門稜  
々霜氣日耀金戈雲連鐵騎南陽菊散西鄂芝沉摧殘  
壯志埋沒雄心琴覆弦寬書埋簡落平陵松樹潁川石  
塋曠野蕭條悲風安寞

江都鄉貢士梅植之獲石道光壬寅六月記在標題并序之下

道光丙申三月揚州灣頭鎮治河夫取土出四石吾  
友江都梅植之過之載以歸洗滌讀志文乃知爲唐  
節度田公及冀夫人墓遂封土立碣以表之後此修

志乘者補采入書庶幾可永其傳焉是年七月予來揚州梅君出示四石記始末安吳包世臣書

刻誌蓋左方邊

上敘

誌敘先世有高祖而無曾祖後冀氏合附誌云曾祖宏唐故光祿大夫驃騎大將軍靈冀等州刺史然則此誌高祖乃曾祖之誤特不言驃騎大將軍耳濠梁作豪梁案濠州字本作豪元和三年始改從水貞元初尙未改也琴覆弦寬不作糸旁猶知古字碑中楚有子玉數語雜糅不倫非能文者

武陵主簿桑粵墓誌

方一尺五分廿一行行  
廿字字徑三分正書

唐故朗州武陵縣主簿兼公墓誌銘

并序

試左驍衛兵曹參軍劉震述

公諱粵字粵受姓命氏編于史冊曾祖克誠 皇朝左

羽林軍長上祖瓌 皇朝江夏郡司馬父倩 皇朝試

廬州長史公閎閎勳華世爲顯族博究書傳達不因人

肅政推能歷有梅香之任清規迴秀服稱時輩虛心應

物士歸雅望天寶五載奄從大夜夫人太原王氏東都

閑廐使知古第三女也聰惠柔順賢和早彰笄歲移天

主公中饋既諧琴瑟鸞鳳和鳴居公之喪弃膏捐粉敬



依佛道齋戒爲心訓子嫺儀親姻仰則天寶末賊將祿  
山掩有河洛軋元之中思明繼禍中原鼎沸塗炭生靈  
十室九空人煙斷絕少有疾瘵遂至膏肓辛丑年中十  
一月而卒攢窆洛城南纏私第從時宜也日諸月諸世  
餘祀愛子曰初朝散大夫試鴻臚卿累朝忠臣佐輔  
戎幕邊滌邊羯拂鋤群醜功逾衛霍計拔良平久俟通  
年獲此龜吉以貞元五年八月廿一日歸祔河南縣平  
樂鄉先君禮也頃家盡產卜宅從儀恐陵谷難常刊石  
將爲不朽詞曰積德餘慶福垂後昆高門是封  
龍虎風雲先君雋城孝婦新墳千秋萬古盛

嗣存存

按文此誌爲王夫人歸祔而作標題只敘桑公者  
例固應爾也夫人卒於辛丑十一月乃上元二年  
是年九月去年號故但以干支紀之至貞元五年  
歸祔已歷廿八年矣主簿不從竹之簿尙存古意  
慧作惠齋作齋傾作頃皆同音假借朽作朽石刻  
中恆見焉

隴右節度使李元諒功德頌

貞元五年十月十一日  
萃編載卷一百三

永圖

缺永字

聞鎮

聞誤開

以設

缺設字

昭應

稟令

缺應字

屯光

泰

缺光字於尙

可孤之

壘元

缺尙壘二字

馳

覆

少空

頡師

缺頡字

河距命

□□

艾鋌

缺距命二字

磔

□

謚二輔

缺謚字

緩

令逸

逸上二字

雖周

缺雖字

頽聽

缺聽字

外等

缺等字

乃口

刊口誤

高陽王子

缺王子二字

華山

缺華字

下邳丞韋端妻王氏墓誌

方一尺一寸五分廿三行  
行廿四字字徑三分正書

大唐華州下邳縣丞京地韋公夫人墓誌銘

并序

哀子前鄉貢進士稹謹撰并書

維唐大歷十三年三月廿五日

韋公夫人薨疾終于

長安親仁里之私第夏四月

遷殯萬年縣加川鄉西

原時無良禮不備故也貞元庚午歲二月廿三日卜叶

禮具返葬洪固鄉韋之舊壙祔 皇姑也享年卅九孝  
子之感倍焉 夫人姓王氏其先太原晉陽人也 九  
代祖亮後魏比部尙書西河郡公尙書令中山郡王  
勣之弟也 曾祖眞行 有唐汝州葉縣令 祖怡河  
南尹東都留守初爲御史正憚姦息 父毗京地府奉  
先縣丞 夫人少喪 怙恃終鮮昆弟年十七歸于  
下邳公公 五代祖孝寬周爲大司空隋爲雍州牧其  
後登三台列八座焜煌 國史此不具舉 夫人惠和  
懿柔稟之自然故韋□門大族茂能卑以自約祗上接  
下而人無閒言事 姑惟勤□夫以敬踰廿載 婦道

睦如也訓子均育免懷就傅親賢慙□母儀溫如也華  
華不改欲榮耀不汨志安賢臣之尙貧知□□之未遇

敬孟齊□梁鴻比德君子

此字添注

謂之無媿辭宜乎鍾壽

畀□□何先露早世時□彼蒼仁者之惑嗚呼哀哉有  
于五人曰纁曰潔曰系曰綰曰紆免三年之喪茹終身  
之痛恭守儉薄爰卜安地封樹將立日月有時攀塗

車而莫及輒泉扃以凶極思盡苴泉悲長霜露是用祔  
述景行式揚幽窆銘曰

行備德充反殲其躬哀子泣盡良人室空辭殞

還鄉

魂安孝終松楸有折

慕思無窮

貞元六年二月十九日書

右墓志首尾共廿三行行廿四字正書字徑二三分  
志爲其子前鄉貢進士緝撰書文頗簡明而語氣直  
與他人撰文無別夫人王氏卒於大厯十三年三月  
至貞元庚午二月始葬其時韋公尙在志前題哀子  
及銘中云哀子泣盡與後代母歿稱哀之例同矣然  
攷儀禮記以哀子爲親喪通稱而王制言少而無父  
謂之孤孟子云幼而無父曰孤則必少幼而無父者  
方合稱孤之意詩云哀哀父母生我劬勞此父母皆  
稱哀之義又雜記言祭稱孝子孝孫喪稱哀子哀孫

儀禮士虞禮稱哀子卒哭乃稱孝子外舅潛研老人  
恆言錄引後漢書靈帝紀市賈民爲宣陵孝子者數  
十人蔡邕傳今虛偽小人本非骨肉而羣聚山陵假  
名稱孝桓思皇后祖載之時東郡有盜人妻者亾在  
孝中則漢時已以孝爲喪服之通稱此志於反葬文  
數語下云孝子之感倍焉後銘中又有魂安孝終之  
句可見習俗相沿已昧孝之本義故其子亦不以自  
美爲嫌則知後代如宋人之夫亡稱孝妻妻亡亦稱  
孝夫之類有自來也志敘夫人九代祖亮後魏比部  
尙書西河郡公於史無攷下云尙書令中山郡王叡

之弟也王叡終於隋見北史恩幸傳其遷尙書令進  
爵中山王則在魏之太和四年也傳言其先居武威  
姑臧叡既貴乃言家本太原晉陽遂移屬焉故其兄  
弟封爵多以并州郡縣此志言亮封西河郡公攷魏  
書地形志有兩西河郡一屬晉州云舊汾州西河民  
孝昌二年爲胡賊所破遂居平陽界還置郡一屬汾  
州云漢武帝置晉亂罷太和八年復而汾州則太和  
十二年置并州又在後爲孝昌中置蓋當王叡貴時  
尙在太和十二年前西河郡亦隸并州也志又叙韋  
公五代祖孝寬周爲大司空隋爲雍州牧見周書及



北史韋孝寬傳傳言名叔裕字孝寬以字行唐書宰相世系表載其爲鄭公房旭之次子下邳縣丞韋公者予曩時先得有韋公元堂志名端者即其人也端後又官陽翟縣丞及國子監主簿而致仕其卒葬在元和十五年後於夫人王氏卅年據元堂志叙夫人曾祖諱子眞皇襄州錄事參軍考毗昭應縣尉皆與此不合彼稱嗣子緝系綜紆絢此作緝潔系綜紆有潔綰而無練絢序次亦復不同豈後又更定者乎端志不詳王氏卒之年月日云貞元六年奉安宅兆與此志合端志又稱五代祖孝寬後周大司空勛襄公

攷史傳孝寬在周厯官尙書右僕射拜大司空歿於隋文帝輔政之後贈雍州牧故此志稱隋雍州牧而宰相世系表乃稱隋尙書令非也此志文後有一行題貞元六年二月十九日書攷文言貞元庚午即六年也蓋葬以二月廿三日書刻則在其前故於文後特記所書之日亦他刻所罕見縝書頗古雅惟君子謂之無媿辭句脫去子字添刻於旁據此志與端志言葬萬年縣則當在陝西而自來金石家未言及之畢尙書關中金石記亦不載道光壬午長沙友人黃孝廉本驥客關中搜集隋唐石刻七十四種以補畢

尙書所遺而亦無此志豈又近時出土者邪拓本亦已丑六月所得萬年縣加川鄉爲長安志所遺親仁里當即是親仁坊長安志謂在朱雀街東第三街即皇城東之第一街也

古泉山館金石文編

幼而無父曰孤統母而言也喪稱哀子兼父母而言也後人乃以孤子哀子孤哀子爲喪父喪母父母俱喪之別然喪母稱哀子漢碑中已有之在唐則見於碧落碑及此誌其父母俱喪以孤哀二字合稱則自宋儒家禮始前此未有也唐書宰相世系表勛公房韋氏有韋叔裕字孝寬隋尙書令即誌所稱五代祖

孝寬也表云叔裕六子其弟五子曰津津五子其弟  
二子曰琬琬六子其季曰季弼季弼一子曰廉廉二  
子其次曰端端即誌稱下邳縣丞韋公也表未載其  
官由端至叔裕爲五代誌稱韋公五子表僅載端子  
二人曰縝曰紆佚其三人

古誌  
石華

案下邳縣丞韋公夫人王氏墓誌銘子縝撰書而韋  
公之名不著以元和十五年韋端元堂誌證之則下  
邳縣丞韋公即韋端夫人乃韋端之配此誌與元堂  
誌皆道光初同時出土考詳元堂誌後夫人以元和  
十三年追贈臨汾縣太君見元堂誌

金石  
續編

古誌石華載此倍誤備族誤刊作放訓誤嗣知□

□之未遇知誤之又祗即祇字志凡兩用石華前

誤作桓後誤作初皆宜校正者也志叙夫人之祖

列銜稱汝州葉縣令案葉縣於開元末年始隸汝

州大厯四年復以葉置仙州是眞行爲令約在開

元以後夫人之父列銜稱京兆府奉先縣尉案奉

先屬同州此系以京兆府者天祐三年始屬同州

也奉先本蒲城開元四年更名隸京兆府又案宰

相世系表中山王氏眞葉令其子怡戶部侍郎眞

即夫人之曾祖眞行也此志作眞行韋端志作子

眞表作單名眞字彼此均不符合怡稱戶部侍郎  
當是以戶部侍郎尹河南者志略之耳表列眞於  
敬之曾孫行與此誌言九代者不合并不載亮及  
毗兩人名疑皆表之闕譌

敬愛寺法玩塔銘

高一尺五寸七分廣二尺七寸三分三十五行行  
止二字後八行字不等字經六分正書在登封

大唐東都敬愛寺故開法臨檀大德法玩禪師塔銘并  
序

太中大夫守京地尹上議軍賜紫金魚袋李元撰  
禪師諱法玩俗姓張氏其先魏人也年十八學道於

大照大師廿受具戒報年七十六僧夏五十七以貞元六年秋八月十三日安滅于東都敬愛寺越十九日門弟子等奉全身建塔于嵩邱少林寺之西偏綴杖執紼赴舊會葬者以萬數弟子安國寺尼法名寂然師以志性堅操菩提心猛利故号爲精進軍即予之從母也躬護厥事其明年冬十月新塔既立將以抒門人承慕之志播先師元邈之風俾予叙銘以示來裔曰

嘗聞拯羣迷者根乎道宏至道者存乎人至若布甘露於法林架慈舟於苦海及邪歸正化昏作明教被渾洛德高嵩少實我禪師其人也夫紀無相之□

□□其族譜述無爲之教宜捨其示現故不書姓系□

□□行直言祕旨用闡眞宗而已自像教東流法門宏

□□戒律攝妄行以禪寂滅諸相以辯惠通無礙 禪

師惣斯三學濟彼羣生或居嵩高或住洛邑道俗師仰

遐迩攸歸應用無方稱物施化惠日恒照無暗不除寶

鏡常懸有昏斯朗嘗謂門人曰正法無著其性不起苟

能觀衆色聽衆聲辯衆香味衆味受衆觸演衆法而心

恒湛然道斯得矣大凡 禪師設教導人必形於行以

爲法無憎愛故喜愠不見於色以爲法無分別故貴賤

視之若一以爲法無取捨故齊於得喪以爲法無去來



故泥於生滅是以訪道者聽言昏解觀行學成非夫心  
契真如識通妙有孰能脩身演化如此其盛者歟清川  
東注白日西匿歸真於此空山杳然銘曰

嵩山之陽兮靈塔尊色身既滅兮妙法存誌此貞石兮  
宏教門

少林寺弟子上座淨業 寺主靈湊 都維那智寔

專檢校修塔智圓 開法道義 明悟 寶壽 臨檀

智詮 臨檀義暉 惟肅 秀清 惟清 惟秀 道

悟 幽湛 常貴 明進 智惠 照心 □□ 敬

愛寺開法志堅 講律圓暉 體悟 恒潛 行滿

□□ 會善寺臨壇靈珎 永泰寺曇藏 □寺臨壇

智深 靈銳 道詮 善才寺上座法液 寺主法俊

寺主詮表 都維那迥秀 脩行寺尼寺主明詮

甯剎寺尼臨壇契一 安國寺尼志元 惠凝

貞元七年十月廿八日新塔建立 扶風馬士瞻書

清河張文湊等刻字

右法玩塔銘李充撰馬士瞻書攷新書宰相世系  
表趙郡李氏有充伊闕令宗室世系表蜀王房有  
信州刺史充似皆非此撰文之李充碑刻臨壇字  
皆作檀後改作壇惟臨壇智深之壇不誤瀋洛作

漚洛

開府儀同文安王張維岳碑

高六尺四寸六分廣三尺四寸五分廿八  
行行五十五字年月一行正書在高陵

唐故開府儀同三司兼左羽林軍大將軍知軍事文安  
郡王贈工部尙書清河張公神道碑□□序

秘書監安陽邵說撰 前太常寺奉禮郎 □□□  
書

大厯乙卯歲夏四月有星犯于北落洎秋九月癸巳大  
將軍維岳薨于位 冤旒悼惜贈□□尙書申命  
有司脩禮以其年十月乙酉葬于高陵縣奉政原之先

瑩公黜髭敏異□冠宏達風儀朗澈望之巍然業於武  
專於學精於戰陣□於兵鈐萬人之敵也天寶末改服  
仗劍北趨邇邊屬幽陵首禍安羯稱亂汾陽王郭公子  
儀偉其材略引爲少將清渠之戰特拜左衛將軍党□  
□德恣爲凌逼

肅宗命公以麾下敢死亟往摧之遷右衛大將軍軋元  
中汾陽蕩定咸洛追鉏元惡公奮無前□勇拔棘而馳  
自衛杞鄴殺傷滿野加通義大夫太僕卿封南陽縣男  
思明繼逆再擾東夏太尉李光弼扼河陽之險制覃懷  
之寇公凌琮□□□擒魁渠矢貫其背血流被臆

聖私表異遷銀青光祿大夫試鴻臚卿李國貞繼掌師  
律身牧眾潰膚抹毆掠居人駭亡公□□寇盜完安郡  
邑僕固懷恩之授鉞也亦仗公以心腹公閱視材力教  
之引滿藝成徹札者凡二千人署曰平射營爲師之左  
右先後

今聖踐極改試殿中監進封開國伯自是迄朝義踰九  
河泉兇賊逆曰聞凱獲投特進試太常□進封南陽郡  
公食以實封累加開府懷恩之遁封漢東郡王增封一  
百五十戶充朔方都知兵馬使公以三軍無師審於避  
嫌駟歸 闕下口食四百五十戶拜左羽林將軍知

軍事公固辭爵邑之大食二百五十戶前此軍政壞蠹  
習以生常有無其人而私入其食與其衣者有市井屠  
沽之伍避屬所訾役而冒趨戎行者公志罷斥歸之尹  
京解紫紱而被褐衣者几千二百輩其餘慰撫字恤討  
而訓之皆趨才勇悍一以當百丁憂去職柴毀過禮而  
官曹之務復曠紊無章大君深惟其人莫克續奉起公  
於苴絰之內俾復舊官改封文安郡王泣乞終喪抑而  
不納□是圖贍軍實貿遷有無製良弓勁矢强弩堅甲  
動萬萬計其長戟利劍戈矛及鋌亦萬萬計至於經費  
餘羨緡錢繒縞米鹽稻麥之數算之能紀咸登于內府

實于禁倉其有斗車什器入於中者亦數十百万

上所獎重遷本軍大將軍公以天時地利 明

主之所當知也創風□氣候圖窰以上獻復慮國用不  
足奉私財佐軍帝益加款曰而賜帑公始自將校驟隨  
節制幕下之碩畫公必佐焉軍中之右職公必更焉迨

□

禁旅游濡渥澤

一人之顧問

公實參焉

九重之謀議公皆造焉錫以金券仍

畫像於凌煙閣謂享貽考爲邦翰垣不及中身何剥喪  
之速寢瘵之日 御鑒結轍傾落之後中貴盈門賄

秘之數加常一尋或帑唁其室或奠祭於塗其

恩□之厚也如此公外強毅而內渫至其奉親也竭力  
於養盡心於疾養則問其所欲視其所膳晨昏莫之違  
也疾則頓其色致其憂冠帶莫之解也雖迫以嚴命竟  
秘於金□而飲恨終身永痛於創鉅加以義禮接於姻  
戚任恤深於子姪饗貧飽其惠孤藐忘其亡蓋孝悌之  
極也本乎世系則隨齊州刺史政之曾孫皇太子家令  
元濟之孫豐王府司馬贈靈州大都督履仁之子世尙  
忠肅以術學理行聞蓋靈源之濬也議其祚胤則益王  
府長史舅左監門衛率府錄事參軍杲太子司議郎晟  
崇文生華長未及冠弱纔知方然而因心克孝率禮不



越蓋積慶之深也公視其母弟有志切於已焉家之餘財□之後事盡委於志既而喪紀辦護豐碑篆刻皆令季之所爲也人謂文安友愛有志弟悌張氏之業其不替乎□曰

勲臣之賢將有文安累康屯艱爲邦垣藩焚焚巨猾射天吠主□□□□□□□□□□念汾陽專征耀武

惟公憤發顛從旗鼓肇自翔裔南馳關輔關輔既清復東其才訓激貔虎犄摧寇虜思明繼逆再擾三河河陽之師實制殲□桓桓太尉將之諸華忿是覃懷附于兇邪公擒其帥勲伐居多懷恩授鉞討除姦羯翳公烈烈

遂掃逋孽汾上之潰我成其功違難遠嫌宛□□風訓  
馭北落聲華有融如何昊穹而降斯凶贈以冬官洪惟  
飾終輶發京邑塋歸渭汭精魂何之英名孰繼空留片  
石萬有千歲

貞元八年三月十日建

右張維岳碑近時出土諸家均未著錄維岳兩唐書  
俱無傳案李寶臣傳寶臣死軍中推其子張維岳爲  
留後求襲父位爲王武俊所殺當別是一人也僕固  
懷恩傳懷恩頓軍汾州使裨將李光逸守祁李懷光  
拒晉州張維岳據沁州又舊書懷恩傳子儀至河中

僕固瑒已爲朔方兵馬使張維岳等四人斬其首獻  
於闐下郭子儀傳懷恩子瑒主兵榆次爲帳下張維  
岳所殺傳首京師維岳以瑒之衆歸於子儀卽其人  
也碑稱其屢建功業洊封至文安郡王蓋以殺僕固  
瑒事拜左羽林將軍改封文安郡王碑僅云公以三  
軍無帥審於避嫌驛歸闕下而隱約其辭爲之諱耳  
碑又稱遷本軍大將軍錫以金券仍畫像凌煙閣云  
云案代宗本紀廣德二年元帥雍王兼中書令僕固  
懷恩加太保迴紇登可汗進徵號功臣皆賜鐵券藏  
太廟畫象凌煙閣攷其時維岳正隸懷恩帳下故亦

得以功臣與其事焉此碑建於維岳死後七年文爲  
邵說撰說唐書有傳云安陽人舉進士爲史思明判  
官朝義之敗降於軍前郭子儀愛其才留於幕下累  
授長安令祕書少監與碑前結銜正合

筠清館金石記

維岳先世後嗣史俱無攷太子家令從四品上龍  
朔二年改家令寺曰宮府寺家令曰大夫此稱家  
令是元濟官此在龍朔未改之前也豐卽豐之俗  
元宗子珙封豐王王府司馬從四品以下代宗子  
迺封益王王府長史從四品上昭宗子祁亦封豐  
王武宗子峴僖宗子陞亦封益王則均在立碑後

矣左監門衛率府當卽太子左監門率府左監門  
衛不稱率府也武德五年改左右宮門將曰左右  
監門率府龍朔二年改左右監門率府曰左右崇  
掖衛垂拱中改左右監門率府曰左右鶴禁衛此  
稱左監門衛率府者蓋後來復改亦稱衛也錄事  
參軍從九品上太子司議郎正六品上崇文生崇  
文館學生也貞觀十三年置崇賢館顯慶元年置  
學生二十人上元二年避太子名改曰崇文貞元  
八年隸左春坊有館生十五人此碑立於貞元八  
年時隸左春坊也書人姓泐其名似是膺字贈□

□尙書以首行及銘詞內冬官字證之是工部二字太常□是卿字恩□之厚似是華字實制積□似是牙字猷當即猷師即師矢即矢而即弔豎即醫飾即飾俗作鋸此又作鐫碑已斷爲兩截稍有缺損尙屬完整

南陽張公太夫人王氏墓誌

高九寸廣九寸四分十七行行十七字字徑四分正書篆蓋題大唐故夫人王氏墓誌九字字長徑九分方界格

大唐南陽張公 故太原郡太夫人王氏墓誌銘 并序  
前大理評事楊自政撰

夫人先養之太原曾祖文武不墜才藝餘美隱跡邱園  
父處泰之二女也 夫人四德脩身內和外睦敬上  
撫下愛之六姻一念真如脩持衆行三歸淨式滅即示  
生奈何積善無徵有染來疾日月已累厚夜長辭貞元  
八年二月廿九日終於京長安縣義甯里之私第春秋  
七十有五即以三月廿二日葬于城西龍首原禮也嗣  
子奉天定難功臣雲麾將軍守左金吾衛大將軍兼試  
太常卿上柱國開國伯右神策軍副將專知苑內都巡  
寢孤女并于高氏並號叫擗地氣絕無聲以託斯文刻  
之銘記詞曰

張公之室 太原郡君 名家遠族 非晉即秦

前之與後 永閑雙春 白揚風悲 傷之見人

右南陽張公妻王氏墓誌在長安出土未得拓墨  
借松坪藏本錄之義甯里即義甯坊在長安街西  
其地有戴至德宅貞元二年神策軍置大將軍將  
軍此云右神策軍副將副將疑即將軍左金吾衛  
掌宮中京城巡警烽候道路水草之宜此云專知  
苑內都巡不見於百官志

內侍王庭瓌妻扶風馮氏墓誌

方一尺二寸十八行行十九  
字字徑五分正書在長安



金不刊五卷之二  
大唐故扶風郡夫人馮氏墓誌銘 并序

前邠州三水縣令史恒撰

夫人門傳高族鍾鼎承家既并之年配于君子即故通  
議大夫行內侍省內侍貲外置同正貲太原王公庭瓌  
之夫人也 公則厲節立身忠以奉主出承 王  
命入 侍禁闈累秩成勞頻遷祿位何期不壽逝我  
良臣以興元元年薨於私第夫人孀居苦節脩禮從家  
婉順執心三隨婦道常依釋眾齋戒有時早悟空緣循  
持真諦奈何積善無徵德昭禍及昔掩空堂梧桐半折  
今歸厚夜琴瑟兩亡烏呼哀哉又足悲也貞元八年歲

集壬申九月廿八日歿於京大甯里之私第春秋五十  
有六卽以其年冬十月廿七日合祔於長安縣龍首原  
送終禮也嗣子德進次子德逸次子德遜晏等孤女嬀  
于劉氏並歸絕擇地毀骨傷神痛割於心昊天何極恐  
陵谷海變託石銘云

太原王公 厲節奉忠 不啻早世 禍降先薨 郡  
君夫人 四德能恭 生之秦晉 死之穴同

奉忠古誌石華誤作奉公大甯里卽大甯坊在長  
安街東甯王岐王宋璟陸象先王同啞李巖宅俱  
在其地

鴻臚少卿張敬詵墓誌

貞元十年九月十四日

萃編載卷一百十

南□□君

缺南字

押衙

押誤

雨女

雨作兩按此碑之誤

志云東都副留守河南尹裴公謂命公爲押衙武授堂以謂爲請字以裴公爲晉公裴度金石萃編以裴公謂爲裴請唐書請傳未載其爲東都副留守惟宰相世系表載之長女從緇是出家爲尼也押衙誤作狎衙敬詵馮翊同川人萃編跋其妻樊氏志云唐書地理志同川縣屬慶州順化郡今屬甘肅慶陽府馮翊郡縣皆在今陝西同州府是馮翊與同川不能合併爲一余按陝西同州府同官縣有水名同川即禹

貢之漆水貞元間或曾改同官爲同川否則馮翊其  
縣名同川其鄉名不然則同川爲同州之誤斷非以  
慶州之同川與馮翊強合也撰文之薛長儒書薛作  
薛唐人書皆如此儒唐人多書作儒此作儒則怪甚  
矣又裔作裊漚作漚隸作隸倏作倏

古誌  
石華

誌稱東都副留守河南尹裴公謂命公爲押衙唐會  
要中書門下奏准諸道節度使下都押衙都虞候約  
五年以上方得改轉押衙兵馬使七年以上方得改  
轉新唐書百官志節度使衙推一人其即押衙歟碑  
儒作儒匡作匡鯁作梗漚作漚兩作兩哭作哭皆異

文平津讀碑記

裴諲為東都副留守新唐書本傳有之不獨見於世系也黃虎癡謂萃編誤押為狎而所著古誌石華亦誤作狎甚矣校書之不易也

諸葛武侯新廟碑貞元十一年正月十九日萃編載卷一百三

御史御史字

蒙輪缺輪字警獨夫缺獨夫二字群書缺群字殺賢缺賢字暗淪缺淪字

字

鐙字人□城□□此行未錄

竹崦會金石目錄謂碑多改鑿如蒙燼曲磨等字

皆從明搨本校正萃編所錄似即據之茲就今本  
所見者補之或非盡明本所缺也今本蒙作榮燿  
作燧磨作群

會善寺戒壇記

貞元十一年七月  
萃編載卷一百三

元同

未註

廟諱字

五佛正

缺佛字

即三花

缺即字

煙塵

缺煙字

問

微

缺微字

高躅

缺躅字

獨邁

缺獨字

明微

缺微字

泗州長史田佚妻冀氏合祔誌

方一尺四寸三分廿行行廿三字至廿七字不等字  
徑四分蓋題故田府君夫人冀氏合祔墓誌十二字  
字徑二寸許均正書四  
周有花紋在江都梅氏

唐故泗州長史試殿中監京地田府君墓誌銘

并序

府君諱仇京地涇陽人也 曾祖宏唐故光祿大夫驃  
騎大將軍靈翼荳州刺史 祖崇朝散大夫恒王府司  
馬 父仁俊朝議大夫祥州刺史之次子也公豁達英  
才氣雄志勇少叅戎武累著勲業至如攻必取戰必勝  
安危之難只在談笑則公之德歟世不絕賢尋拜泗州  
長史試殿中監又歷諸府幕權掇臈司則翰墨不能縷  
載夫人清河龔氏淮南鄧度押衙開府儀同三司檢校  
太子賓客景城郡王弈之長女也皆軒冕盛族令德偕  
聞輔佐君子實謂秦晉耳公久主強兵屢清淮海功高  
望重日異遷榮所謂公祿及二千石壽逾百歲奈河上

天不仁屈公以短厯哀哉貞元三年七月七日寢疾歿于揚州江都縣贊賢坊之私第也享年五十其時道路艱阻未獲還鄉權卜葬于揚州江都縣臨灣坊之原也積善無慶夫人小因沉痾於貞元十一年六月廿五日又終舊室嗚呼漂然寄家親故乖遠數歲之內淪謝相望夫人作腹不孕□又無別息以姪孫益繼嗣其後益罄其餘產奉舉大事以其年八月廿七日合祔於府君舊塋禮也慮恐歲月遷邁陵谷變移所銘貞石期於不朽

辭曰

功成業就兮身之云亡 事不可問兮悠々彼蒼 駿



馬錦衣兮淪形滅影 寶釧金甲兮沉氣銷光 孤墳

峨：兮倚雲臨水 新栢肅：滴露凝霜 親友哭送

兮從茲一別 永無遊期兮泉路何長

江都鄉貢士梅植之獲石道光壬寅六月記

刻在銘詞末句

下之

誌敘田氏先世云父仁俊朝議大夫祥州刺史與  
田氏誌言朔州刺史者不同朔州屬河東道未嘗  
改名祥州唐書地理志亦無祥州蓋誤也至曾祖  
宏前誌作高祖彼誤此不誤惟光祿大夫爲文階  
驃騎大將軍爲武階不知何以並授殊爲可疑

八瓊室金石補正卷六十六終

《金石補正卷六十六

完  
吳興劉氏  
和古齋刊

八瓊室金石補正卷六十七

男 繼輝校錄

太倉陸增祥撰

吳興劉承幹覆校

唐 三十九

鹽池靈慶公碑并陰

貞元十三年八月廿日 萃編載卷一百三

元極

極作

虞衡

衡作

馮公興

缺興字

筭

作冥勤

勒誤

有署

缺署字

碑陰

泚極

缺泚字

先皇

先誤元

并王府

缺王字

天久

久誤人

新唐書地理志解縣有鹽池安邑縣有鹽池與解爲

兩池大厯二年生乳鹽賜名寶應慶靈池皆屬河中  
府此神祠碑雖在安邑其實爲兩池官吏及畦戶等  
所建碑陰又刻靈慶公神堂記以碑後列銜考之兩  
池官吏有戶部判度支專知度支河中院有專知解  
縣池專知安邑池河中院有巡官都巡檢官勘會官  
檢閱官監官場官而場名則有方集常滿鹽北青鼻  
分雲紫泉下封資國皆可補史之闕

平津讀碑記

碑陰下二截未見拓本

澄城令鄭楚相德政碑

貞元十四年正月廿五日

萃編載卷一百四

篆額題唐澄城縣令榮陽鄭公德政碑十二字

詔俞缺俞字通泉丞缺丞字慎寵缺慎字

碑為衛尉卿鄭雲達書兩唐書鄭雲達傳不載為衛

尉卿新唐書百官志衛尉寺卿一人從三品金石萃

編謂唐書百官志無衛尉卿雲達署銜用古官名非

也平律讀碑記

彭王傅徐浩碑貞元十五年十一月廿四日

縣開□男□書男外三字缺

盪穢缺穢字武功缺武字緩死泊缺緩泊二字詞匪躬納諫納外四字

缺直有缺有字之賢缺賢字重故外統□□內亞冢外統外五字缺

祚土缺祚字敬之缺敬字九□縣缺九字洺州缺洺字左散騎

字缺左 究經字缺究 昇第字缺第 汝州魯山主簿才字缺山外六 詔

徵俾字缺俾上二 賢散騎字缺賢下二 文之字缺文 閒代字缺閒 不且

□爲字缺二字 遽周字缺周 其用字缺用 承威名字缺承下二 陳乞

字缺乞 授監□御□丁字缺授下三 服除字缺服字 毀濱字缺毀 既

□逾年字缺既 鏡照一且塵洗猶□□啓□□令□春闈

境嫗煦字缺煦餘並缺 留守王字缺王 誥審言□地先示□□□

穿鑿字缺穿言外 益雷字缺益 且云祚聖難字缺且難 筆字缺筆誤詰悉

驗其字缺詰其 充嶺南□補使□貝所字缺南補外 公□□潔

字缺潔 潛杜信字缺信上二 爲之字缺爲 忠即字缺即 德頌字缺頌 少

□□轉兵部領字缺兵部外 筭變目字缺目 嘉□方趙大任

缺嘉趙外□除□州缺外州建旆缺旆追寤缺追已信

謂信外二奉□□之制□□缺奉未復鶴復外二奮

鞭之速之外三法□咫尺法下二搦管缺搦如響缺響

詞鋒缺詞其才□□幽贊其下三會□縣缺會皇極乃

正缺皇極二誤及獻至缺獻兩宮缺兩字蕃三接之恩缺蕃

三陳□□前代代上二會議缺會三千缺千大易三駟

之□□□惟大下五近徵侯君缺徵君二宗唯罪四缺

四二越王□於汝南越下四三進缺三勲台臣側目□

命臣外五當□□詞公抗陳曰敗公陳外不□假登

不下二顧問缺問除國子祭酒遂遂上五副知缺副政

荒歿

政下字缺

伺隙

隙字缺

綏非

公莫字缺

公莫

外三字缺

先明

缺明字

鼓棹

棹字缺

見書

缺書字

請命

請字缺

而頤

頤字缺

窮南

南字缺

東

而下五字

缺祥風

缺祥字

無舉

刃字缺

者泰而

流者字缺

而流者

舉外七字缺

富而後

教字缺

教

而外三

字缺

來年有吏

缺來吏二字

其流

缺其字

而已比

屈宰輔

輔

而玉

德

十餘

而誤即比誤北

相國

齊公其缺相國

而玉

德字缺

德

而玉

德

而玉

德

瑀

德外三字缺

瑜

瑜字缺

為執法者

缺瑜為三字

明州

缺明字

惜春秋之

惜春秋之

惜春秋之

已暮

字之外五

方欲以

論道之位

之其

缺方道位

告第

告第

告第

告第

告第

缺告

公禮義

公下二字

術通世務

三

似

其道

七字

似

似外

似外

缺忘倦草

草上二字

者一門

缺者門二字

自登朝

特為

為

上四字

上四

上四

上四

曲江所器忘

定契

定外六

關懷

缺關

代英達

英外二

英外二

英外二

英外二

英外二



交友後友外二累登字缺累入更字缺入出擁字缺擁嗣子□

罷宰宰上三東府字缺東永惟字缺永尙隱松楸未未上四

功行於□貞標九□於功下六朝達字缺達死喪之戚□

顛之戚外俱孝字缺俱之効銘銘上二東南字缺東强霸者

越中中上四鍾養宏字缺宏上二和易且直明直外四源台

和變律布澤仲缺源含和淵塞字缺塞贊翊字缺贊往綏往缺

字民痛痛誤孽桓桓于以伐叛以外六人謂授戈我唯

缺人授其發蒙其下二洛向背洛下二播德缺播

屈賁字缺賁郡□潤□字缺潤

碑稱浩爲洛州刺史贈左散騎常侍嶠之之子法書

要錄亦作洛州舊唐書傳作洛州刺史者誤也碑又稱洎貞元十五年嗣子□罷王畿之新安璲爲□府法曹參軍掾璲玫舉進士未第伯仲之存者四人現嘗以家傳遺文敘其志嗣子名泐者即現也碑爲現書結銜稱次子朝議大夫河南府新安縣令□□縣開國□字尙可辨元和姓纂洛州刺史徐嶠之居會稽生浩東海郡公生璲現玫現泌州刺史碑不書璲者其時已卒也

平津讀碑記

後有河□屈賁名重立王粲石井欄記後所題係屈賁所書賁不獨能刻并能書也

空寂寺大福和上碑

高七尺二寸二分廣三尺七寸五分廿五行行四十七字字徑一寸行書在陝西

大唐空寂寺故大福和上碑

尙書主客員外郎陸海撰

安國寺沙門惟勗書

水之流也微風以成其波人之生也積行以成其道木  
有火石有金火非<sup>燧</sup>而莫出金非鍊而莫見則知之以  
慧發覺爲行先得之本無求之不有首自釋迦□傳達  
摩末傳於我大師矣師族于張家于豐含育在胎異氣  
所感誕厥弥月其目猶閉有異僧見而驚曰此西夏之

聖者當度衆累以宏大乘雙眸忽開允符授記其廿也  
識泯智葉意裁道牙其緇也行苦業淨福薰果孰初於  
西明寺精五分律後於南荊州宗大通師默領法印潛  
通幽鍵大通謂師曰萌乃花花乃實可不勉矣師聞之  
惕息言下而悟以爲不生者生起心即妄無說是說對  
境皆空師得法而還大師承

詔而至雖有靈山

之別不異龍花之會無何大通屈東洛師師顓偕注大  
通錫以如意杖曰吾道盡在於茲以爲如意杖者比如  
意珠也用之不盡可教西土之衆於是我師遂留施物  
以安誘物以漸慈攝神鬼威伏虎狼昆虫草木罔不霑

潤景龍歲

勅授塗山寺上座嘗有神僧宴居曰後四十年間當有  
滕士繼□是靈事由冥契目以宿感我師應焉又授薦  
福慶山龍興三寺上座皆承 天詔允從人願時

之彊名於我何有後經行於聊浮東山曰思公有記生  
之石豈惟南岳古猶今也此地□可終焉開廿六年五  
月五日果 勅置空寂寺泉出景中花雨象

外我師未地而見亦先天而不違岑嶺廻牙川源沃□  
實爲滕□愜於所得道侶精梅安國寺以 睿宗

舊邸

肅宗躍龍之所資於法器以住持也惣持

寺才遠□□又請安居□凡及聖推賤等貴久而謂門  
人曰理本無礙甯繫我身物皆有終甯住於世以天寶  
二年二月廿二日右脇而卧隨化□也國動悲號天地  
變色八十九甲子矣六十三僧臘矣精氣已去容狀不  
改眉生髮長與世殊異其年八月十八日入塔□□□  
□□靈□□□水咽歸<sub>欄</sub>□□□長道之□國人哀送  
是切情之終色界皆空法身不滅具天之□育□□功  
□□之所□□□□□□□傳□□□也不□者安  
得異僧而所稱焉師之教也不可以智知師之道也不  
可以□□知□□□□□□□□□□□□□□□□

□□□□爲榮也□□夫能息念念獨證如如付屬弟  
子大雄大□俱契心真僉□□□□□□□□□□  
□自在故上□□□□□□□□□□□□悟□梵宮成  
五佛剎入室弟子上座□福寺主□□等材以天而生  
器以□而就精修由已□□□□□□□□□□也  
暫存於守□釋氏之塔猶儒士之墳□□□□□□  
在注以甘露□□人天□理□自如而相□悲□□使  
大劫將□而妙教常存爰刊貞石紀其銘曰——  
真空□□□□□□□□生□□慧西方□□東  
土□□□□川□□出生死苦我師懸解

尚資於學

□□□□

□□□□

□□□□

□

□□□□

□□俱□

湛然本□

怖鴿既棲

騰猿亦定

□其□□

□寺□□

□吞日月

□□□□

□□□塔

兩位

門人

空山之巔

松柏蒼然

貞元

□六

磨泐不  
知幾字

月丁酉五日辛丑當寺門人比丘

□□□□校法□持國天王寺主志澄等建

刻字比丘實悟

此行字  
界較擠

右大福和尚碑記在關中不能實指其地後九行磨泐不少尚可句讀而前半完善自來金石家均



未著錄出土不久也紀年曼患幾於莫辨諦審數  
四始得貞字貞下似元大福卒於天寶二年即以  
其年八月入塔至貞元閒立碑相距已四十餘年  
矣文內肅宗已稱廟號代宗紀號無貞字故可定  
爲貞元元下六上一字已闕當是十六年也通鑑  
目錄是年七月丁酉朔碑云五日辛丑亦合惟碑  
云道侶精精安國寺以睿宗舊邸肅宗躍龍之所  
資於法器以主持也下云惣持寺主遠□□又請  
安居云云再下方敘久而謂門人等語則尙在大  
福未卒之前開元天寶間何以言肅宗躍龍之所

殊不可解豈後來追述其事一意鋪張而臨文失  
檢邪至云開廿六年脫一元字則它碑亦已有之  
清河郡夫人張氏墓誌

方九寸六分十八行行  
字不齊字徑三分正書

唐故清河郡夫人張氏墓誌銘 并序

京兆府進士裴同亮撰

貞元十五年十一月十二日夫人張氏奄歿于長安縣  
懷德里之私弟夫人張氏府君賈秀曾孫游擊利休之  
愛夫人宿丞令族天与其惠柔儀雪暎志行松操至於  
織紉養餽奠祀之禮厚情周物絲竹通妙皆稟生知出

爲時則泊玉笄耀首至德全家求之美地嬪于張氏秦  
晉有正風凰其儀鏡鸞無而雙影臨栢舟泛而中河媚  
尔乃服其院濯鼓其琴瑟內閑外恭安親惠下宿窹之  
容有節螽斯之慶大來睢婁之妻從夫孟軻之母訓子  
方俟同年也嗚呼精善無微疾也有作山林侔色泉路  
何迷夫人春秋六十有已貞元十六年葬于

兒

女四人孤幼鴈行泣血白烏祥至風擲不停神道昭感  
天之明察海環撫視摧慟惜莫之早落興言異室羌  
挂月之先沉哀悼之咽傷骨肉持封石宇永同天地之

長海變桑田還言茶

墓誌銘

堂く府君后族之良灼、夫人宗室之光正若秦晉睦  
若潘陽琴瑟培、風凰鏘、宜尔偕老万壽無彊如何  
吳穹今也則亡重泉幽壤無見日荒螻白楊坐蕭颯

右清河夫人張氏墓誌裴同亮撰誌但云夫人張  
氏而不見其夫之姓銘云堂堂府君后族之良當  
是王姓昭德皇后之族人也然先云夫人張氏後  
又云嬪于張氏殊不可解書出匠工之手不成體  
格謬誤極多序末既未刻全又刻墓誌銘三字於  
下銘詞每五字空一格最爲無理餘如私第作弟  
奠作奠稟作稟鳳凰作風凰舞作無浣作院匹作

正鼓作鼓窈窕之窈作宿默作默從作從積作積  
徵作微悴作悴幼作紉鴈作鳥感字少兩點英作  
英睦作睦情作培吳作吳不可勝紀中河嬭之嬭  
不知何字之誤胆當是腸字之未成者春秋六十  
有已蓋作文者未審其實但云六十有幾以俟書  
刻時之補改而匠人乃以已字入石矣葬于下空  
格不書亦作文者留以待補而匠人遂不作一字  
矣書刊庸劣殊無足取然非後人僞造也以唐刻  
存之

軒轅鑄鼎原銘

貞元十七年二月十日

萃編載卷一百四

并序

缺并字

一重

缺氣衍二字

德莫徒

勤

缺僂勤二字

德原

缺泰字

德

脫簪字

耶

耶作耶

碑陰

刺史陳郡

史下多兼御史中丞五字

二月癸□朔十日

缺二癸十三字此行之前

似尚有

進玉石珮表草

缺玉石佩草四字

而詳

缺而字

獨此鼎原

一行

缺鼎字

曰循

缺曰字

專知官

缺專字

對穿穿深

缺對字

片穿時為土工所損

缺石片穿為土工損七字

此處

缺處字

今穿

穿誤幸

微臣遺

缺微臣二字

二月

缺二字

張傑

缺張字

王遇

缺王字

鑄鼎原碑陰分三層第一層載碑銘釋文□州刺史

太原王顏撰華州刺史陳郡袁滋書舊唐書良吏傳

袁滋字德深陳郡汝南人與碑題稱郡合其出爲華  
州刺史傳書在貞元十九年後今此碑當十七年已  
爲華州刺史矣案德宗紀貞元十六年三月壬子以  
尙書右丞袁滋爲華州刺史潼關防禦鎮國軍使紀  
與傳不合以此碑証之當依紀十六年爲是此碑十  
七年題銜華州刺史爲得其實傳作十九年誤也第  
二層爲王顏進玉石冊表草有檢算厯帝紀云云案  
舊唐書經籍志有年厯帝紀二十六卷姚恭撰此表  
稱厯帝紀疑即其書五行志載寶厯二年五月神策  
軍修苑內古漢宮得白玉牀以獻此記王顏所進玉

既請付史館志竟不見錄當以其附會非實故也第三層題名以舊唐書職官志攷之縣有鎮遏將不見於史鎮遏多屬使職而此云將疑官職後有增設也同十將之號史志亦無文

易州刺史田琬德政碑有十將兵馬使之號

右

廂副將不載其屬何衛案左右武衛威衛及領軍衛各左右廂隊而官設隊正副隊正則威衛領軍衛有之然則右廂副將其即副隊正與金吾衛內執戟未分指爲左右得此乃知執戟五人以左右各分之共爲十人也

授堂續跋

李氏殤女孫孫墓記



方九寸四分十九行行十九字  
字徑一末行空正書在陝西

趙郡李氏殤女墓石記

殤女李氏趙郡高邑人也小字孫、年十六貞元十七  
年十一月廿二日邁疾終於長安永甯里之旅舍以十  
二月三日窆於萬年縣高平鄉西焦村之南原從權禮  
也 曾祖父諱畬 皇國子司業贈太子賓客祖諱  
承 皇正議大夫檢校工部尙書兼潭州刺史贈吏部  
尙書諡曰懿子歷淮南道淮南道黜陟使河中道山南  
東道湖南道節度觀察都防禦都團練等使父藩祕書  
省祕書郎殤即藩之第三女也念尔稟天之和而聰明

孝友得禮之節而恭敬廉讓奉上順下動無所違吾身  
苦病尔之疾畏吾之知吾家苦貧尔之欲尔畏吾之知  
涓性感人逮此增痛、莫及矣哀如之何唯俟于吉時  
歸葬于故國祔 我先塋之松栢從尔孝思而已矣  
銜涕書此用安幽魂、而有知鑒我誠意貞元十七年  
十二月三日祕書省祕書郎李藩記

從父涓書

右志近時出土父記女墓而署款系姓與爲人作  
銘無異未當也李承唐書有傳湖南通志職官卷  
僅載其爲觀察不言兼潭州刺史新唐書云趙郡

高邑人不詳其先世宏簡錄云祖至遠吏部侍郎  
父畚國子司業早卒與碑合惟碑云贈太子賓客  
則所未載耳至碑云正議大夫云兼潭州刺史贈  
吏部尙書謚曰懿子云都防禦都團練等使皆史  
傳所失載可以證其闕漏也碑云淮西道淮南道  
黜陟使河中道山南東道湖南道節度觀察傳云  
淮南西道黜陟使云中河尹晉絳觀察使改山南  
東道節度使云河南觀察使或詳或略悉無不合  
傳又云大理事爲河南採訪使判官貶臨川尉除  
德清令擢監察御史遷吏部郎中碑皆略之敘述

先代固所宜爾史傳不及後嗣而藩別有傳藩字叔翰父承爲湖南觀察使徐州張建封辟節度府以杜兼誣奏詔入都帝望其狀貌曰是豈作亂人邪釋之拜祕書郎事在貞元十六年後拜門下侍郎同中書門下平章事爲李吉甫所譖罷爲太子詹事明年出爲華州刺史未行卒贈戶部尙書諡曰貞簡此誌作於貞元十七年故云祕書郎也至宰相世系表云鵬字至遠璧州刺史畬字玉田考功郎中開元中爲考功郎中見宏簡錄承山南東道節度使藩作潘亦不言相憲宗宰相表載之外誤多矣宏簡錄云李

藩字叔翰曾祖至遠祖畚父丞爲湖南觀度使餘  
與唐書同稱遠者以字行也承作丞誤

淨土寺明演塔銘

高一尺八寸二分廣二尺三寸五分三十五行序銘  
廿五行行廿三至廿九字前後不一字徑四分下方  
姓氏三十三行行字  
不一正書在鞏縣

唐故禪大德演公塔銘

并序

鞏縣尉楊叶撰

明經劉鈞書

如來滅後五濁惡世厥有悟歛上乘者即我大師歟大  
師俗姓柳法号明演累代家於相州湯陰縣幼而溫敏

長而良逸蘊顏子德昇孔氏之堂天寶季擢明經第寶  
應中調補濮州臨濮尉後遷濮陽丞清能肅下威能懾  
豪芳名振於齊魯之間孰出其右因詣方袍士語及無  
生喟然歎曰萬法歸空一身偕幻瑣瑣名位曷足控搏  
遂投紱捐璽適于京師時□□都知兵馬使檢校御史  
大夫王駕鶴奏曰前件人捨官入道樂在法門今因

章敬皇后忌辰伏請度爲僧

詔曰可乃隸名於洛

陽縣敬愛寺因具戒於嵩岳壇場厥後口茹一麻

身衣

百納洞達五方便探蹟脩多羅雖思代居梁弘曷在趙

方茲蔑如也

也

興元初延長定覺念定舍郝七八年間歷

拒開法龍象鱗華冠蓋雲集濟濟焉鏘鏘焉得其門者  
或竄矣歛思振錫步及於鞏縣淨土寺 縣尹隴西李

公閑臬夫人吳郡張氏礼足歸依虔心諦聽淨財珠服  
捨而勿恡由是景附響和者不可勝筭非夫慧日懸空  
寶炬破闇其孰能臻於此乎且迥出四流既遠離於煩  
惱遽成三點徒示相於涅槃盤以貞元十七年二月五日  
整三衣掩一室□然坐化容良如生四眾漣沍奔走織  
路俗齡六十有九僧臘三十有三門弟子淨土寺主智  
德律坐主常隱神昭寺三綱寶燈堅志如印等因心起  
孝扶力議事言於同學曰不建塔曷以旌盛德不刊石

曷以紀高行謀之既咸罔不率從不遷荆縞素疊委泉  
穀交積傭工度地槌埴爲甃不傷財不害人格于十旬  
傑其高時以明年春繩牀跌座歸于厥中左邇名區前  
臨清洛浮雲朗月松檟颺颺叶從宦於茲嘗陪高論援  
毫含歛遂作銘云

於休上人偉貞昂藏遺榮濮上練行嵩陽淤泥自濁荷  
花自口澄思一室聞名四方了悟真詮門人駢闐雙林  
遽變孤磬空懸屹立素塔遐對清川憧憧行路孰不悽  
然

大唐貞元十八歲次壬午正月廿二日建



僧弟子等 僧常湛 如寶 惟正 師德 義嵩

惠寂以上一列 恒義 元通 智深 元應 志安 寶

玠二列 尼弟子寶詮 智燈 元一 堅秀 惟堅

澄心三列 淨滿 真見 靈惠 常□ 道堅 □真

列四 惠英 趙海 常進 廣恩 珍寶 常秀五列

法立□在常進下 堅滿 堅政 廣濟六列 造塔匠梁榮

琛 鐫字焦獻直

俗門人等 李秀 王幹 馮景 賈秀 白仙鶴

馬進 馬宰 王昇 車仙 曹榮 薛詳 樂興

張端 李洎 劉玉 □望 游善 石玉 王寬

游進誠

張昌

張翼

擅

張元素

張

楊

男

□□

翟季華

女弟子等

威嚴

真藏

常

清淨

智藏

蓮華藏

政

常不輕

嚴正

不

若智

□□

菩提海

□□

觀自在

圓滿

福

莊嚴

尊勝

旃檀

阿妙

自在

擾曇

寶

莊嚴

滿藏

寶光明

法海

蓮花藏

花鮮

四

无量

燕女

功德山

淨

柔調

石淨土寺明演塔銘楊叶撰劉鈞書衲作納說文

無衲字玉篇衲亦作納

殿中侍御史韓弁妻韋氏墓誌

方一尺一寸八分廿四行行廿  
三字字徑三分許正書方界格

大唐故朔方節度掌書記殿中侍御史昌黎韓君夫人  
京地韋氏墓誌銘

夫人姓京地韋氏尚舍奉州說之次女也年十三執婦  
道於昌黎韓氏府君諱弇自後魏尚書令安之恒王六  
世生禮部雲卿郎中禮部寔生府君進士及第朔方節  
度請掌書記得秘書省校書郎累遷殿中侍御史貞元  
三年吐蕃乞盟詔朔方節度使即塞上與之盟賓客皆  
從其五月吐蕃不肯盟殿中君於是遇害時年三十有  
五夫人時年始十有七矣有女子一人其生七月而孤

夫人之母前既不幸矣夫人以其女歸於其父弗數年其父又不幸夫人泣血食貧養其子有道自慎於嫺節行愈高雖烈丈夫之志不如也猶有董氏伯姊繼衣食仁之焉不數年董氏姊又不幸夫人於是天下無所歸託矣殿中君從父弟愈孝友慈祥貞元十六年以其女子歸於隴西李翱夫人從其女子依於李氏焉降年短命三十有二貞元十八年八月甲辰卒於汴州開封新里鄉之魚村其明年正月辛酉李氏以其喪葬之於陳留縣安豐鄉岡原殿中君之先葬於河陽惟君之歿不得其喪夫人是以不克葬於河陽而獨墳於陳留弗克

附於殿中君之族而依於女子氏之黨以從女子之懷  
權道也且將有待也殿中君文行甚脩位甚卑沒於玉  
事初禮部君好立節義有大功於昭陵其文章出於  
時而官不甚高殿中君又無嗣嘗聞諸君子曰位不稱  
德者有後禮部君曷爲然哉於是叙其弱女之悲以識  
於墓門銘曰 女子之生兮七月而孤所恃者母兮夫  
何辜天蒼蒼兮不迴生幾時兮終日哀

右殿中侍御史韓弇妻韋氏墓誌當在陳留出土  
文敘韓氏先世云府君韓弇自後魏尙書令安定  
恆王六世生禮部郎中雲卿禮部是生府君校宰

相世系表黃耆生茂字元興尙書令征南大將軍  
安定桓王此作恒王與表不合表云雲卿禮部侍  
郎此作郎中亦不相合疑皆表之誤表敘雲卿只  
一子名俞官開封令孫三人夫人之夫名弇無子  
當是俞之弟也可据以補表之闕元和姓纂陳留  
韓氏本潁川人稜後徙陳留唐禮部郎中韓雲卿  
是韓弇望出陳留此云昌黎韓氏者舉其舊望與  
文公之自署昌黎者正同夫人葬於陳留正韓氏  
故籍特不得合祔於河陽耳姓纂雲卿稱郎中合  
以此誌知表作侍郎者其誤無疑

侍郎竅題刻三段

在湖南永興

路恕李吉甫題名

高一尺三寸四分廣二尺二寸一分十行行七字字徑一寸四分

書末一行二字

清河□路恕體仁朝議大夫前守郴州刺史李吉甫貞

元十九年歲次癸未拾月戊寅朔二十四日辛丑蒙

恩除替歸赴京闕長男紳次助緘從行鄉貢進士羅

造襲一題

右路恕李吉甫等題名八分書十行在永興縣侍郎

竅恕字體仁京兆三原人大厯八年從父嗣恭討哥

舒晃授檢校工部員外郎德宗朝出爲懷州刺史遷

鄜坊定欽觀察使坐事貶吉州刺史以右散騎常侍致仕卒贈洪州都督見新唐書路嗣恭傳後吉甫字宏憲贊皇縣公李栖筠之子以蔭補左司禦率府倉曹參軍貞元初以太常博士出爲忠州刺史改郴饒二州憲宗朝爲相贈司空謚忠懿見新唐書李栖筠傳後此題名蓋即其官郴州刺史時也案吉甫子名德修史稱其亦有志操寶曆中爲膳部員外郎張仲方入爲諫議大夫德修不欲同朝出爲舒湖楚三州刺史附見吉甫傳次即衛國公名德裕武宗朝名相宣宗時貶崖州司戶參軍卒懿宗詔追復太子少保



衛國公贈尙書左僕射史別有傳題名云長男紳次男緘攷紳乃中書令李敬元曾孫有詩名時號短李元和初第進士武宗朝爲相封趙郡公後辭位以檢校右僕射平章事復節度淮南卒贈太尉諡文肅穆宗時官右拾遺翰林學上與李德裕元稹同時號爲三俊德裕當國擢浙東觀察使緘乃德宗朝相義陽郡王李抱貞子官至殿中侍御史二李皆非吉甫之子疑題名所云紳者即德修緘者即德裕殆初名本與之同後乃改易耳路恕不稱官清河非路姓郡望下又空一字不可解其題名作一行在李吉甫銜名

前文理不甚相屬然隸書結體大小及行款字數皆合似是同時所題末題進士羅造裘裘當即書字然於漢人碑刻未見

古泉山館金石文編

湖南通志脫京字裘作裘皆審未的也書本作裘此省下日字而小變之耳後尙有一題二字通志未載疑後人所刻

梁褒先題名

高一尺三寸四分廣一尺七寸七行行七字字徑一寸二分分書末一行字徑

八分正書

朝散大夫使持節郴州諸軍事守郴州刺史賜緋魚袋梁褒先因行春經此石室續勒修繕元和貳年五月十

曰先記

西羌安常皎鰲

案梁褒先郴州志職官未載湖南通志

右梁褒先題名八分書後正書一行在永興古泉山館金石

編文

通志缺修鵠鵠字西字曼患據通志補之題名未單稱先字與浯溪柳宗直題名單稱直字同近人重勒則補一宗字矣

韓泰等題名高一尺一寸五分廣一尺四寸七分九行行字不等字徑正書

朝散大夫守睦州刺史韓泰子胥鄉貢進士裴旻

男師仁 男懿文 右泰長慶元年三月自漳州刺史

授郴州四年六月轉睦州八月九日汭流之任 零士

嚴行立同行 黃萬書 安政興雙

右韓泰題名正書九行在永興縣泰字安平順宗朝

王伾王叔文用事陰結天下名士泰與柳宗元劉禹

錫等皆諧附之憲宗立皆貶謫遠州史稱泰有籌畫

爲伾叔文所倚重能決大事以戶部郎中神策行營

節度司馬貶虔州司馬終湖州刺史附見新唐書王

伾傳其仕漳郴睦三州刺史傳皆不載蓋略之也古泉

山館金  
石文編

旻湖南通志作文誤

太倉署題名碑

高二尺三寸六分廣二尺一寸七分卅四行行字大小均不一正書

朝□郎行太倉署令上柱國馬高貞元廿年正月十四

日授勅頭身□保人邢良趙□

郭彥趙穎李倫王鱗張瞻缺

朝議郎權知太倉署令上柱國趙寬貞元廿年正月十

四日授勅頭身爲缺杜□陳□郭太

逸皇甫良馮彩劉儼缺

朝□郎缺不辨太□署丞謝文達□元廿年正月十四

日授 勅頭身為

鮑 □ 川 曹 □ 蕭 乞

李思進 成文秀 張再誠 缺

上缺 太 □ 署 丞 山 鉞 □ 元 廿 年 正 月 十 四 日 授 勅 頭 謝

文達 鮑 李 □ 李 鄧 程 昇 梁 逢 史 華

田 臻

文 林 缺 不 辨 幾 字 □ □ 廿 年 正 月 十 四 日 授 勅 頭 馬 高

鮑 □ 永 田 士 良 王 鄧 馬 頴 歧 士 洗

王 闡 趙 濟

上 缺 不 辨 上 柱 國 李 □ 清 貞 元 廿 年 正 月 十 四 日 授 勅 頭

馬 高 鮑 徐 倫 趙 溢 王 政 王 意 劉 振

江

朝□□□□太

缺約八字演

□元廿年正月十四日授

勅

頭馬高

魁

□如珪

□復

梁清

杜咏

馬泥

种岳

張炭

姚麻

上缺約四字

太□署□飛騎尉李鄆

貞□廿年正月十四日

授勅頭馬高

魁

張迪

党少幹

馮琳文

李嗣 盧瑤

上缺太倉署□丁楊□

□元廿年正月十四日授

勅

頭謝文達

魁

郭遂

□宇

寶良

劉英

李繼宗

上缺嚴□□□□年□月十四□授勅頭馬高

不辨 徐□ 蘇 尹宏 張□ 王紘 張宣

蘇翌

上缺業□ 貞□廿年正月十四日授勅頭馬高

不辨 劉□ 董道 成良器 姚友 王朝弼

張褒 房穎 張演

上缺董萬迪 貞元廿年正月十四日授勅頭馬高

不辨 來榮 唐誠 施令則 劉季卿 左晟

柳冕

上缺 不辨 □□□□月十四日授勅頭馬高



韋 王季武 盧倣 咸幼相 張瑤

呂佐

上缺地 〇〇廿〇正月十四日授 勅頭馬高

〇玉 蘭冲方 阮青 鄭良 李進興

樊昱

上缺 〇〇〇〇〇〇月十四日授 勅頭馬高

左琳清 金 梁惟直 宋榮 師宙

陳琮

上缺 太倉署 缺約 李 〇〇〇〇〇〇月十四日授

勅頭馬高 郭政 劉暉 劉良梓 〇進

□□ 賈頤

上缺  
不辨太倉□□□□□惟政□元□年正月十□□□

勅頭馬高 □人張璿 □□ 趙述 陳鐸

王銳 趙□ 劉遜 薛冕 李鎮 周玟

唐書百官志太倉署令三人丞五人監事八人有  
府十人史二十人典事二十四人掌固八人此碑  
所稱勅頭者史所不詳馬喬趙寬謝文達下並注  
云勅頭身為山鉞以下十四人下注勅頭謝文達  
者二勅頭馬喬者十二是勅頭即令丞所充者矣  
令丞諸人同日授任者殆隨例更調如期改換歟

史載令丞監事十六人碑有十七人列銜缺泐惜  
無可考各有保人十人當時制度然歟楊□上見  
一丁字亦不知何職豈事之殘字歟

劍州長史李廣業碑

貞元廿年十一月十三日 萃編載卷一百四

德者福之宗

缺宗字

字□堯

缺堯字

我景皇帝

帝字空

若太□

沒世方受勾□之地

太誤作夫 缺地字

叶平勃以定國

缺叶字 勃字

至道元氣

缺至字

上元

未註 廟諱字

以□百能

缺百字

會

天子有事

缺會字

勉而就列

缺勉字

□曹叅軍

缺曹字

陝王

府典軍

陝字空

體道冲讓

□聞政

□□□□

□□□□

□服

先

□

□□之□□抱關之祿故秩重六百

缺讓聞先之對有秩重六七字

慙德缺對字於君為忠缺字中歲缺中動缺禮節缺

禮二力能扶心缺扶字至滅性甘淡食溢缺至三字衣裳

外釋缺衣字信及友朋缺及友字優游樂道缺優游字公之盛

德盛誤臻大年登貞位缺大年貞三字僕少卿缺僕字金水間

秀缺金水二字克固磐石次子若水缺克若水三字兼通事舍人

材度缺通事材度字肇豐盈傲巡缺豐盈傲八字不構之緒缺緒字

衣食贍京師雖蕭何缺京師雖何三字任仁為重缺任字

樂潛下位缺潛下位三字書以缺以字封表盡禮缺盡禮二字

碑稱公之元孫錡今任浙江西道云云新唐書李錡

傳大約如碑所言唯不載銀青光祿大夫檢校禮部

尚書兼御史大夫錡叛在此碑後四年

平津讀碑記

海州刺史上是隋字方受勾□之地勾下似吳字  
□僕少卿□州刺史僕上是太字州上是汝字元  
子□□是國貞二字□申建中上是甲字然已泐  
矣光光顯顯弟二字碑俱作之萃編則藝一字

千佛寺楚金禪師碑

貞元廿一年七月廿五日萃編載卷一百四

四十人入誤

金繩繩作

心觀

心誤

人青蓮

人誤

尔曹

尔作

禮

驗作

茶作

竺作

鶴作

契元

元誤

廟諱字

弥

弥作

礼念

礼作

仙人室陸羽題名

高七寸廣一尺一寸六分五行字徑一寸七分正書在樂昌西三里泐溪岩

朱□宗 秦邕 熊知 范容 陸羽

陸羽題名在仙人石室中古傳鴻漸嘗水至此輿地碑目

題名五人以陸羽冠之者依輿地碑目爲標題也  
鴻漸入粵莫攷其時卒於貞元末年當即據以爲  
次近金石家皆未之見海琴搜拓見貽粵東金石  
略載泐溪樞室二字相傳亦羽所書又有宋余靖  
李宗儀等題刻二段均未搜得

### 道州殘石

石存一角四行行字不一字  
徑一寸五分分書在道州

尚書

許子

君子之清

即命坊而

道州有廳壁後記刺史呂溫撰湖南通志僅存其  
目云文見道州新志呂溫爲刺史當在貞元年間  
此刻疑即是也當視道州志檢文一校之

左驍衛將軍陳義墓版文

方一尺三寸六分十九行行十九至廿  
二字不等字徑七分行書在諸城劉氏

大唐故昭武校尉守左驍衛將軍上柱國陳公墓版文

并序

前行左司禦率府倉曹叅軍侯銘撰

公諱義字興厥初以大舜之襲佚于陳而氏焉敬仲已  
還不常其所今又爲河東人也王父克同列孝福皆讀  
叔夜養生之論慕蔣詡斂迹之風滄素自高踈于榮祿  
公屬天寶季祀羯胡干紀澈仁爲勇移孝作忠徇之遠  
之從戎期征虜以効節頃之官至左驍衛將軍策上柱  
國累有功也尋入居環衛載睦親朋方趣無生以得真  
先依有相而宏法割田蘭之產罄俸祿之資齋筵列於  
皇州僧徒畢至香翰寫於元籍唐本無遺允矣知身



是幻而況於財不亦達乎將福庶類而況祖孝不亦仁  
乎春秋七十有二歟終遵疾永貞元年十月六日卒于  
上都金城里之私第於戲嗣子叔甯年齒尙幼夫人河  
南邱氏夙有淑德□于壺範公之善功皆夫人佐成逮  
今茹荼飲泣庀于喪事以其年冬十二月二十有五  
日庚申葬于長安縣龍首原禮也銘曰

尙忠好仁載經籍

公實兼之成懿績

作善精魂當有適

順時松楸斯羈羈

河南邱頽書

右左驍衛將軍陳義墓版文案宰相世系表陳義

金石錄卷之二十一  
官少府少監是別一陳義也金城坊在長安街西  
里即坊也  
三希古樓刊

八瓊室金石補正卷六十七終